

Møteprotokoll

Utvalg: Nasjonalparkstyret for Jotunheimen og Utladalen

Møtestad: Teams

Dato: 30.11.2020

Tidspunkt: 09:00 - 11

Følgjande faste medlemmer møtte:

Navn	Funksjon	Representerer
Leif Solemsli	Leiar	VANG
Marit Sletten	Nestleiar	LOM
Harald Sve Bjørndal	Medlem	VÅGÅ
Ivar Kvalen	Medlem	LUSTER
Kjersti Bjørnstad	Medlem	IFK
Trude Brosvik	Medlem	VLFK

Følgjande medlemmer hadde meldt forfall:

Namn	Funksjon	Representerer
Hilmar Høl	Medlem	ÅRDAL

Følgjande varamedlemmer møtte:

Namn	Møtte for	Representerer
Anne Kauppi	Hilmar Høl	ÅRDAL

Merknader

Frå administrasjonen møtte:

Namn	Stilling
Eldrid Nedrelo	Nasjonalparkforvaltar
Kari Sveen	Nasjonalparkforvaltar
Rigmor Solem	SNO - Jotunheimen

Underskrift:

Vi stadfestar med underskriftene våre at det som er ført på dei sidene vi har signert i møteboka, er i samsvar med det som vart vedteke på møtet.

Leif Solemsli (sign.)

Anne Kauppi (sign.)

Saksliste

Utvalgs-saksnr	Innhold	Lukket	Arkiv-saksnr
ST 36/2020	Godkjenning av innkalling og dagsorden. Val av medlem til å skrive under protokollen		
ST 37/2020	Referatsaker		
RS	Utladalen landskapsvernområde - Møte med Årdal kommune - Vettisvegen, informasjonsskilt og Koldedalsvegen		2020/9971
RS	Utladalen landskapsvernområde - Motorisert ferdsel på Vettisvegen - Behov for klargjøring av regler		2020/9971
RS	Iverksetting og oppfølging av kvalitetsnormen for villrein		2020/3680
RS	Underretning til klager - ulovlig dronefilming	X	2020/5243
RS	Tiltak mot økt snusforsøpling		2020/2324
RS	Besseggløpet - rapport 2020		2020/1332
RS	Svar på innspel - Nasjonalparkstyret for Jotunheimen og Utladalen - revisjon av verneforskriftene når det gjeld el-sykkel m.m.		2019/16144
RS	Nasjonalparkkonferansen 2021 - NP-konferansen som webinar		2020/12871
ST 38/2020	Delegerte vedtak		
27/2020	Delegert vedtak - Jotunheimen NP - Dispensasjon - Motorferdsel - 2020 - Motorbåt - Demontering av midlertidig bru over Blåtjønnå - Stokk & Stein - DNT Oslo og Omegn		2020/10853
28/2020	Delegert vedtak - Jotunheimen NP - Motorferdsel 2020 - Endring av helikoptertransport til scooterløyve, gbfnr. 215/1/10 - transport til naust ved Rundhaugtjønne i Luster - Sognefjellshytta v/ Råmund Mundhjøld		2019/18592
29/2020	Delegert vedtak - Jotunheimen NP - motorferdsel 2021-2025 - snømålinger - Glommens og Laagens Brukseierforening		2020/12277
ST 39/2020	Nasjonalparkstyret for Jotunheimen og Utladalen - Forslag til organisering av prosjekt og samarbeid		2019/12439
ST 40/2020	Nasjonalparkstyret for Jotunheimen og Utladalen - Disponering av tiltaksmidler 2020		2019/19735
ST 41/2020	Nasjonalparkstyret for Jotunheimen og Utladalen - Tiltaksmidler og bestillingsdialog 2021		2020/12154
ST 42/2020	Nasjonalparkstyret for Jotunheimen og Utladalen - Retningslinjer for kommersiell bruk av merkevaren Jotunheimen nasjonalpark		2020/12475
ST 43/2020	Nasjonalparkstyret for Jotunheimen og Utladalen - Løyve til bruk av kommersielt merke Jotunheimen - Gjendeguiden		2020/12479

ST 36/2020 Godkjenning av innkalling og dagsorden. Val av medlem til å skrive under protokollen

Saksprotokoll i Nasjonalparkstyret for Jotunheimen og Utladalen - 30.11.2020

Vedtak

Innkalling og dagsorden godkjent.

Val av medlem til å skrive under protokollen:

Anne Kauppi vart vald til å skrive under saman med styreleiar.

ST 37/2020 Referatsaker

Saksprotokoll i Nasjonalparkstyret for Jotunheimen og Utladalen - 30.11.2020

Vedtak

Nasjonalparkstyret tek referatsakene til orientering.

Utladalen landskapsvernområde - Møte med Årdal kommune - Vettisvegen, informasjonsskilt og Koldedalsvegen	2020/9971
Utladalen landskapsvernområde - Motorisert ferdsel på Vettisvegen - Behov for klargjering av reglar	2020/9971
Iverksetting og oppfølging av kvalitetsnormen for villrein	2020/3680
Underretning til klager - ulovlig dronefilming	2020/5243
Tiltak mot økt snusforsøpling	2020/2324
Besseggløpet - rapport 2020	2020/1332
Svar på innspel - Nasjonalparkstyret for Jotunheimen og Utladalen - revisjon av verneforskriftene når det gjeld el-sykkel m.m.	2019/16144
Nasjonalparkkonferansen 2021 - NP-konferansen som webinar	2020/12871

ST 38/2020 Delegerte vedtak

Saksprotokoll i Nasjonalparkstyret for Jotunheimen og Utladalen - 30.11.2020

Vedtak

Nasjonalparkstyret tek delegerte vedtak til orientering

27/2020

Delegert vedtak - Jotunheimen NP - Dispensasjon - Motorferdsel - 2020 - Motorbåt - Demontering av midlertidig bru over Blåtjønnåe - Stokk & Stein - DNT Oslo og Omegn

2020/10853

28/2020 Delegert vedtak - Jotunheimen NP - Motorferdsel 2020 - Endring av helikoptertransport til scooterløyve, gbfnr. 215/1/10 - transport til naust ved Rundhaugtjønne i Luster - Sognefjellshytta v/ Råmund Mundhjeld

2019/18592

29/2020 Delegert vedtak - Jotunheimen NP - motorferdsel 2021-2025 - snømålinger - Glommens og Laagens Brukseierforening

2020/12277

ST 39/2020 Nasjonalparkstyret for Jotunheimen og Utladalen - Forslag til organisering av prosjekt og samarbeid

Innstilling frå forvaltar

Nasjonalparkstyret for Jotunheimen og Utladalen vedtek å følgje modellen for organisering av arbeidet med Utsiktspunkt Vettisfossen slik det følgjer av framlegget i saksutgreiinga.

Samarbeidsavtalen med konkretisering av prosjektet skal leggjast fram for signering av styreleiar i Utladalen Naturhus.

Ledige midlar som følgje av coronasituasjonen blir overført til prosjektet.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 30.11.2020

Styret fekk presentert ei mogleg løysing for nytt utsiktspunkt, basert på synfaring den 23. oktober 2020.

Vedtak

Nasjonalparkstyret for Jotunheimen og Utladalen vedtek å følgje modellen for organisering av arbeidet med Utsiktspunkt Vettisfossen slik det følgjer av framlegget i saksutgreiinga.

Samarbeidsavtalen med konkretisering av prosjektet skal leggjast fram for signering av styreleiar i Utladalen Naturhus.

Ledige midlar som følgje av coronasituasjonen blir overført til prosjektet.

ST 40/2020 Nasjonalparkstyret for Jotunheimen og Utladalen - Disponering av tiltaksmidlar 2020

Innstilling frå forvaltar

Ledige tiltaksmidlar blir disponert slik:

- Det blir løyvd 75.000 til gjenoppbygging av felles bru over Blåtjønnå i Rusdalen. Brutypen er meir kostbar enn dei enklare hengebruene som DNT vanlegvis nyttar, men i nasjonalparken ser ein fordel av å kunne samle tilrettelegginga på ein plass og bygge brua slik at den fyller behova både til DNT og til beitelaget. Mykje av materialane kan gjenbrukast, og dette er ein fordel både i høve til naturinngrep, materialforbruk og motorferdsel.
Ein tilrår difor at nasjonalparkstyret støttar eit spleiselag mellom DNT Oslo og Omegn og beitelaget for å få til ei løysing med ei bru.
- Resten blir fordelt på delfinansiering av utsiktsplattform Vettisfossen og neste års stiltak, i samarbeid med Utladalen Naturhus.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 30.11.2020

Vedtak

- Som innstillinga. Samrøystes.

ST 41/2020 Nasjonalparkstyret for Jotunheimen og Utladalen - Tiltaksmidler og bestillingsdialog 2021

Innstilling frå forvaltar

Nasjonalparkstyret for Jotunheimen og Utladalen sluttar seg til at det vert søkt om tiltaksmidler for 2021 via elektronisk søknad til følgjande tiltak:

Informasjon/tilrettelegging i tråd med besøksstrategi og forvaltningsplan

- Utsiktsplattform Vettisfossen, tilrettelegging og sikring (medfinansiering)
- Utsjekk og supplering av tiltak ved av innfallsportane (mindre terrengarbeid rundt nye informasjonstavler m.m.).
- Temabrosjyre dyre- og planteliv
- Utsiktspunkt ved pilot innfallsport Sognefjellshytta – namn på fjelltoppar

Vedlikehald av stinettet i Jotunheimen og Utladalen. Prioritering av tiltak etter tildeling

- Vedlikehald og førebyggjande tiltak på plassar med registrert slitasje og erosjon
- Oppgradering av stien frå Vetti og opp på Vettismorki
- Kanalisering og sikring av Besseggenstigen ved Bandet (vidareført frå 2020)

Skjøtsel, vidareføring av etablert opplegg (budsjett SNO-Jotunheimen):

- Slått på Skåri, Avdalen og Vetti (heimre Utladalen)
- Styrt beite på Skåri, Avdalen og Vetti (heimre Utladalen)
- Styving/rising av alm og lind. Vedlikehald av styvingstre i heimre Utladalen
- Krattrydding/vedlikehald Øvre Utladalen
- Styrt beite ved Gjendebu (geit)
- Styrt beite ved Gjendebu (storfe)
- Kratt og skogrydding/vedlikehald Gjendebuområdet
- Slått av kve ved Gjendebu blir utført annakvart år – på dagsorden i 2021.

Forvaltningsplan

- Skjøtelsesplan Utladalen; vidareføre og oppdatere eksisterande plan til gjeldande krav. Supplerande kartlegging kan vera aktuelt.
- Kartlegging av bygningar i nasjonalparken og landskapsvernområdet, slutføring
- Revisjon av forvaltningsplan

Andre tiltak

- Vedlikehald og drift av eksisterande tiltak
- Bestilling av standard skilt frå Grafika
 - Supplere med dronforbodsskilt, der desse manglar

Endeleg prioritering av tiltak blir gjort i 2021, etter at Miljødirektoratet har utført tildeling av midlar. Nasjonalparkstyret vurderer god besøksforvaltning som ei særleg viktig oppgåve, da dette skal gje grunnlag for bruk av verneområda som ein ressurs for lokalsamfunnet. For å kunne nytte nasjonalparkane som merkevare og trekkplaster i reiselivet, er det nødvendig at bruken skjer på ein berekraftig måte som ikkje går ut over verneverdiane. Det må derfor satsast på informasjon, kanalisering av ferdsel utanom sårbare område, samt stivedlikehald, restaurering og tilrettelegging i område definert som brukssoner med meir intensiv bruk.

Etablert skjøtsel av kulturlandskap blir vidareført under leiing av SNO – Jotunheimen.

Bestilling av tenester frå SNO:

- Oppsyn med fokus på utvalde arrangement
- Oppfølging av ferdselsteljarar (eco-counter) i Utladalen og Jotunheimen. Erstatte dårleg teljar med ein ny av type trampematte + batteri til eksisterande.
- Nye skilt: Standard droneskilt på aktuelle innfartsårer
- Administrasjon av tiltak på stignettet. Kartlegge behov for utbetringar
- Oppfølging av prioriterte skjøtselstiltak i medhald av plan
- Kartlegging og overvaking av rovfuglar og villrein
- Oppsyn/kontroll av motorferdselløype.
- Informasjon og oppfølging av dronebruk

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 30.11.2020

Som vedlegg til protokollen følgjer biletdokumentasjon frå SNO og frå sekretariatet som viser utførte tiltak i 2020.

Vedtak

Som innstillinga. Samrøystes.

ST 42/2020 Nasjonalparkstyret for Jotunheimen og Utladalen - Retningslinjer for kommersiell bruk av merkevaren Jotunheimen nasjonalpark

Innstilling frå forvaltar

Nasjonalparkstyret vedtek å innføre ordninga med tilhøyrlogo for Jotunheimen nasjonalpark til kommersiell bruk. All bruk skal skje i samsvar med retningslinjer for merkevaren *Norges nasjonalparker*. Nasjonalparkstyret vedtek følgjende tilleggskriteria for tildeling av merket for Jotunheimen nasjonalpark:

- Tildeling av tilhøyrlogo blir gjort av nasjonalparkstyret, etter skriftleg søknad.
- Tildelinga gjeld for inntil tre år om gongen, og kan enkelt forlengast dersom bedrifta framleis har aktivitet som fyller alle sentrale og lokale vilkår.
- Merket kan berre tildelast aktører med forretningsadresse i ein av kommunane med areal i nasjonalparken: Lom, Luster, Vang, Vågå og Årdal.
- Aktørar som får tildelt merket pliktar å halde seg orientert om relevante spørsmål som gjeld nasjonalparken, og delta på orienteringsmøte, vertskapskurs eller liknande som blir arrangert i regi eller på vegne av nasjonalparkforvaltninga eller nasjonalparkkommunane.
- Merket kan omfatte produkt som opplevingar, aktivitetar, overnatting og servering, forbruksvarer som mat og drikke, eller lokalt produserte produkt som kan knytast til verneområda Jotunheimen og Utladalen.
- Retningslinjer for tildeling av merket gjeld i første omgang til 31.12.2023. Ordninga med tilhøyrande rutinar og retningslinjer skal evaluerast før eventuell vidareføring.
- Dersom ein ser behov for justeringar også før denne datoen, kan retningslinjene reviderast dersom uklare punkt skulle dukke opp når ein startar å bruke ordninga.

Styret legg elles vedlagte retningslinjer til grunn for søknad og tildeling.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 30.11.2020

Forslag frå Trude Brosvik, tillegg til første kulepunkt:

Behandling av søknadar som er klart innanfor retningslinjene vert delegert til administrasjonen.

Innstillinga saman med tillegget frå Trude Brosvik samrøystes vedteke.

Vedtak

Nasjonalparkstyret vedtek å innføre ordninga med tilhøyrlogo for Jotunheimen nasjonalpark til kommersiell bruk. All bruk skal skje i samsvar med retningslinjer for merkevaren *Norges nasjonalparker*. Nasjonalparkstyret vedtek følgjende tilleggskriteria for tildeling av merket for Jotunheimen nasjonalpark:

- Tildeling av tilhøyrlogo blir gjort av nasjonalparkstyret, etter skriftleg søknad. Behandling av søknadar som er klart innanfor retningslinjene vert delegert til administrasjonen.
- Tildelinga gjeld for inntil tre år om gongen, og kan enkelt forlengast dersom bedrifta framleis har aktivitet som fyller alle sentrale og lokale vilkår.
- Merket kan berre tildelast aktørar med forretningsadresse i ein av kommunane med areal i nasjonalparken: Lom, Luster, Vang, Vågå og Årdal.
- Aktørar som får tildelt merket pliktar å halde seg orientert om relevante spørsmål som gjeld nasjonalparken, og delta på orienteringsmøte, vertskapskurs eller liknande som blir arrangert i regi eller på vegne av nasjonalparkforvaltinga eller nasjonalparkkommunane.
- Merket kan omfatte produkt som opplevingar, aktivitetar, overnatting og servering, forbruksvarer som mat og drikke, eller lokalt produserte produkt som kan knytast til verneområda Jotunheimen og Utladalen.
- Retningslinjer for tildeling av merket gjeld i første omgang til 31.12.2023. Ordninga med tilhøyrande rutinar og retningslinjer skal evaluerast før eventuell vidareføring.
- Dersom ein ser behov for justeringar også før denne datoen, kan retningslinjene reviderast dersom uklare punkt skulle dukke opp når ein startar å bruke ordninga.

Styret legg elles vedlagte retningslinjer til grunn for søknad og tildeling.

ST 43/2020 Nasjonalparkstyret for Jotunheimen og Utladalen - Løyve til bruk av kommersielt merke Jotunheimen - Gjendeguiden

Innstilling frå forvaltar

Nasjonalparkstyret for Jotunheimen og Utladalen vurderer det slik at Gjendeguiden innfrir alle krav for å få kommersielt merke for nasjonalparken, i tråd med sentrale føringar og vedtekne retningslinjer for Jotunheimen. Grunngeving:

- Søknaden er framsett på standard søknadsskjema, der søkjar stadfestar med si underskrift at han vil rette seg etter dei sentrale krava som gjeld for bruk av tilhøyrlogo for *Norges nasjonalparker*.
- Bedrifta er lokalisert i kommune med areal innan nasjonalparken, og har forretningsadresse i Vågå.
- Gjendeguiden driv guiding og fjellføring i Jotunheimen nasjonalpark og i randssonen.
- Bedrifta er miljøsertifisert som Miljøfyrtårn.

Løyve til å nytte kommersielt merke for Jotunheimen nasjonalpark som tilhøyrlogo for Gjendeguiden blir gjeve med følgjande vilkår:

- Løyvet gjeld for ein periode på tre år; tom. 31.12.2023.
Det er mogleg å søke om forlenging.
- Løyvet omfattar følgjande typar logoar/bruk:
 - Lokalisert ved Jotunheimen nasjonalpark
 - Aktivitet skjer i Jotunheimen nasjonalpark
- Logoane kan brukast slik det går fram av retningslinjer presisert på søknadsskjema.
- Ved misbruk av det kommersielle merket kan løyvet til bruk trekkjast attende. I slike høve skal innehavar av merket varslast og få frist for korrigering, før det eventuelt blir trekt inn.
- Gjendeguiden pliktar gjennom inngått avtale å halde seg orientert om spørsmål som gjeld nasjonalparken, og ev. delta på relevante orienteringsmøte, vertskapskurs eller liknande som blir arrangert i regi av nasjonalparkforvaltninga eller nasjonalparkkommunane.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 30.11.2020

Vedtak

Som innstillinga. Samrøystes.

ST 44/2020 Utladalen landskapsvernområde - Dispensasjon - Motorferdsel - 2020 - 2023 - Vetti Gard Turiststasjon

Innstilling frå forvaltar

Nasjonalparkstyret for Jotunheimen og Utladalen gjev etter §3 pkt. 6.3 f) og g) i forskrift om Utladalen landskapsvernområde løyve til bruk av snøskuter til Vetti v/Ingjerd Høgseth Vetti for transport av varer, brensel, proviant, utstyr og material til Vetti og på til Vettismorki i Utladalen landskapsvernområde. Løyvet er gjeve på følgjande vilkår:

- Løyvet gjeld inntil fem turar per år for transport av varer mm. etter Vettisvegen til Vetti gard, og inntil 20 turar til saman frå taubana til stølshus og hytter på Vettismorki og til turisthytta Ingjerdbu, samt for transport av ved på Vettismorki.
- Løyvet gjeld ikkje rein persontransport.
- Løyvet gjeld ikkje transport i samband med større bygge- og restaureringsarbeid. I slike tilfelle må det evt. søkjast om eige løyve.
- Løyvet gjeld ein tur Vettismorki-Fv.53 Årdal-Tyin t/r for service av skuter ein gong i fireårsperioden og evt. ein tur om det oppstår behov ved utskifting av skuter.
- Løyvet gjeld i perioden november – 20. april kvart år 2020, 2021, 2022, 2023.
- Løyvet gjeld ikkje søndagar og andre heilagdagane.
- Løyvet gjeld for snøskuter med reg. nr. JR8670 (til Vetti) og reg. nr. JS2330 på Vettismorki.
- Omfanget av skuterbruk skal avgrensast til det som er strengt naudsynt og i størst mogleg grad følgje ein fast trase.
- Under transporten skal det takast særleg omsyn til naturmiljøet, dyreliv og friluftsliv.
- Skutertransporten skal føregå på godt snødekt mark.
- Transportperiodar skal varslast til SNO v/Rigmor Solem på tlf/sms: 959 65 158 seinast dagen før køyring.
- Løyvet og køyreskjema skal takast med under transporten. Køyreskjema skal fyllast ut på førehand.
- Det skal kvart år sendast skriftleg rapport (køyreskjema) om gjennomført transport til Nasjonalparkstyret for Jotunheimen og Utladalen v/nasjonalparkforvaltar om gjennomført motorferdsel innan 1. juni.

Vi gjer merksam på at dette løyvet berre gjeld verneforskrifta for Utladalen landskapsvernområde. Løyve etter motorferdsellova må innhentast frå kommunen. (Forvaltar har vidaresendt søknaden om løyve til Årdal kommune).

Vedtaket kan påklagast etter reglane i forvaltingslova. Eventuell klage skal stilast til Miljødirektoratet, men sendast via nasjonalparkstyret innan tre veker etter at brevet er motteke.

--- slutt på innstilling ---

Saksprotokoll i Nasjonalparkstyret for Jotunheimen og Utladalen - 30.11.2020

Vedtak

Som innstillinga. Samrøystes.

Saksprotokoll i Nasjonalparkstyret for Jotunheimen og Utladalen - 30.11.2020

Saker til orientering

A) Endring av verneforskriftene og møte med Klima og Miljødepartementet (KLD)

Sak om bruk av el-sykkel på Glitterheimvegen og Koldedalsvegen er ferdigbehandla, etter ein svært lang prosess. Vi har fått til eit Teams-møte med Statssekretær Maren Hersleth Holsen i KLD, 8. desember i samband med dette. Styreleiar vil da ta opp til diskusjon også ei anna mogleg endring til reglane for Koldedalsvegen, med tanke på å betre parkeringsforholda og ta imot besøkande på ein god måte.

B) Nasjonalparkkonferansen 2021 som webinar

Jf. referatsak med orientering frå Miljødirektoratet:

«Nasjonalparkkonferansen som skulle vært arrangert i mai er flyttet til februar 2021. Vi innser etter hvert at det blir vanskelig å arrangere denne konferansen i februar som planlagt selv om vi ser betydelig merverdi i å samles fysisk på en slik konferanse. I stedet for avlysning vurderer vi likevel om deler av programmet kan gjennomføres som et webinar med f eks 2+2 timers økter før og etter lunch den 16. feb, ev en økt også 17. feb. Vår direktør vil delta, vi håper også fortsatt å få med statsråden. I programmet vil det bli lagt opp til en del generell informasjon, erfaringer fra arbeidet med besøksforvaltning/merkevare samt forhåpentligvis resultater fra evalueringen. Vi tar gjerne imot synspunkter på hva som kan egne seg som programposter i et webinar som vil få styremedlemmene til å prioritere å delta. Hold derfor fortsatt av dagene i kalendrene til styremedlemmene»

Dersom coronareglane tillet det, er det interesse for ei regional samling saman med andre verneområdestyre. Vi hadde samling i Lom saman med Breheimen og Reinheimen i samband med styreopplæringa i juni 2020. Det er interesse for å få til noko liknande, enten på aust- eller vestsida i 2021. Vi orienterer oss i høve til kva reglar som gjeld, og ut frå desse vil sekretariatet vurdere eit opplegg saman med andre verneområde til sommaren.

C) Rapport SNO 2020

Rigmor har laga ein utvida presentasjon av den foreløpige som vart presentert på møtet i september. Denne blir sendt som vedlegg til protokollen. (Jf. sak 41/2020)

D) Orientering om gjennomførte tiltak 2020

Ein serie bilete med orientering om skilttiltak ved innfallsportane blir sendt som vedlegg til protokollen. (Jf. sak 41/2020)